

281 - وَعَنْ عَبْدِ اللَّهِ بْنِ زَمْعَةَ رَضِيَ اللَّهُ عَنْهُ: أَنَّهُ سَمِعَ النَّبِيَّ صَلَّى اللَّهُ عَلَيْهِ وَسَلَّمَ يَخْطُبُ، وَذَكَرَ النَّاقَةَ وَالذِّي عَقَرَهَا، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: { إِذِ اتَّبَعْتَ أَشْقَاهَا } اتَّبَعْتَ لَهَا رَجُلٌ عَزِيزٌ، عَارِمٌ مَنِيعٌ فِي رَهْطِهِ « تُمُّ ذَكَرَ النِّسَاءِ، فَوَعِظَ فِيهِنَّ، فَقَالَ: «يَعْمِدُ أَحَاكُمْ فَيَجْلِدُ امْرَأَتَهُ جِلْدَ الْعَبْدِ!! فَلَعَلَّهُ يُضَاغِعُهَا مِنْ آخِرِ يَوْمِهِ» تُمُّ وَعَظَهُمْ فِي ضَحِكِهِمْ مِنَ الضَّرْطَةِ وَقَالَ: «لَمْ يَضْحَكُ أَحَاكُمْ مِمَّا يَفْعَلُ؟!» مُتَّفَقٌ عَلَيْهِ. [خ 4942، م 2855].

وَ«الْعَارِمُ» بِالْعَيْنِ الْمُهْمَلَةِ وَالرَّاءِ: هُوَ الشَّرِيرُ الْمُفْسِدُ، وَقَوْلُهُ: «اتَّبَعْتَ»، أَي: قَامَ بِسُرْعَةٍ.

281. Абдуллоҳ ибн Замъа розияллоҳу анҳудан ривоят қилинади:

«У Набий соллаллоҳу алайҳи васалламнинг хутба қилаётиб, мояни* ва уни сўйган кишини зикр қилганларини эшитган экан: «Расулуллоҳ соллаллоҳу алайҳи васаллам: **«Вақтики, уларнинг энг бадбахти шошилиб турди».**^[1] **Кучини сиғдиролмаган, ёвуз, ўз тўдасида химоячи бир киши шошганча у томон турди»,** дедилар. Сўнгра аёлларни ҳам зикр қилиб, уларга ваъз-насихат қилдилар: **«Бировингиз хотинини атайлаб қулни савалагандек савалайди. Эҳтимолки, у билан кунининг охирида бирга ётади ҳам»,** дедилар. Кейин уларнинг елга кулганлари борасида ваъз-насихат қилдилар ва: **«Бирингиз ўзи қиладиган ишдан ҳам куладими?»** дедилар.

Муттафақун алайҳ.

Шарҳ: Моя – урғочи туя. Бу ерда Солиҳ алайҳиссаломнинг мўъжизалари билан харсангдан яратилган моя назарда тутилган. Уни Самуд қавмидан бўлган Қудор ибн Солиф деган одам сўйган. Расулуллоҳ соллаллоҳу алайҳи васаллам уни Абу Замъага ўхшатган эканлар.

«Елга кулиш» деганда бехосдан ел чиқариб юборган кишининг устидан кулганлар назарда тутилган.

Бу ҳадисда Пайғамбаримиз соллаллоҳу алайҳи васаллам эр ўз хотинини калтакламаслиги кераклигини уқтирмоқдалар. Хотинга ўзига яраша муомала қилиш керак. Уни уриб-калтаклашдан олдин, кейинги бўладиган алоқа ва муомалаларни ҳам бир ўйлаб қўйиш лозим. Хотин қул эмаски, уни хоҳлаган вақтда калтаклаб, хоҳлаган вақтда ишлатилаверса. Ҳатто қулни ҳам калтаклаш яхши эмас. Хотинни калтаклашдан олдин уни қўйнида олиб ётишини ҳам, кўзи-кўзига тушишини ҳам бир ўйлаб олиш лозим бўлади. Ушбу ҳадисдан уламоларимиз хотинни қаттиқ калтаклаш ҳаромдир, деган ҳукмни олганлар.

^[1] Шамс сураси, 12-оят.

Манба: hadis.islom.uz

